

AGENDRE TRINITATIS

MINGGU 22 SEPTEMBER 2024

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 337**

337. SIHULÖWONGI TUMBU ZUI LUO 1

do = f 3/4

MM = 96 - 104

1. Sihulöwongi tumbu zui luo, a ' oi omuso
 sa fefu dödö, dozi sonoso ba gulidanö.
 Somuso tödö göi ita wanuno Lowalangida si
 no momböi fefu si tobali omusola dödö.
2. No tödö nama dödö Yehowa, no Ihönagö zoguna khöda,
 sangomusoi' ö fefu tödöda. Afu aro wamatida khö-Nia,
 fa lö tabato wanuno Ya' ia, ba fa' auri Ifabu' u khöda.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 266

266. HE YESU, SOLOMASI

Lala : He Tödögu Böi Mörö (No. 242)

do = d 4/4

MM = 88 - 96

1. He Yesu solomasi, hatö ' ö-Gö khögu.
Öfehulu dödögu, ba wolo ' ö li-U.
Ena ' ö fefu sa, zi lö omasi ' Ö, a 'oi u ' erogö.
2. Khö-U, Yesu ahonodo, kubaloi ndra' odo.
Barö wondrorogö-Mö, ohahau sa dödö.
Khö-U manö, ndra' odo, terara dödögu, me no so' Ö, Yesu.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Yeremia 11:18-20**

18. **Ba no ifarongogö khögu Yehowa, ba no urongo: me luo da'ö ö'oroma'ö khögu wolaura andrö!**
19. **Ya'odo andre, ba no hulö nono mbiribiri si möimöi, ni'ohe ba wanaba ya'ia, ba lö u'ila, wa so nifakhaira nilau khögu: datafakiko döla, fabaya bua, tadeha ia ba danö zauri, fa böi sa'ae itörö tödö niha döinia!**
20. **Ba ya'ugö Yehowa ngahönö, samatörö huku satulö ba sanandraigö tödö, fabaya bua, ba fa'ila'ö khögu wolaumö balöu khöra; noa sa ube'e balaziu huhuogu andrö.**

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO

: Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

- SA** : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli’ö khö-Gu, me no U’orifi ndra’ugö.
LAKHÖMI KHÖ LOWALANGI SI YAWA....
- SATO** : Manunö:

450. BA FA’ATULÖ BA GULIDANÖ

1. Ba fa ’a tulö ba gulidanö ba niha ni’omasi ’ö andrö
(mudadao zato)

6. FOMBASO TAROMA LI LOWALANGI FÖNA HUHUUO (AB)

- : Da tafondrondrongo daroma Li Lowalangi, tehalö moroi ba zura Matai’o 6:19-24
19. Bõi mihõna khõmi girõgirõ ba guli danõ, nifakiko hama ba ni’a howu, nikharu zanagõ ba nitagõ.
20. Ba zorugo mihõna khõmi girõgirõ, ba zi lõ ifakiko hama, ba zi lõ i’a howu, ba zi lõ lakharu sanagõ, ba zi lõ latago.
21. Ba zi so girõgirõ khõu sa, ba da’õ gõi so dõdõu dania.
22. Haga mboto hõrõ; na si sõkhi hõrõu, ba mohaga mbotou ma’asambua.
23. Ba na no mofõkhõ hõrõu, ba ogõmigõmi mbotou ma’asambua. Andrõ, na no sogõmigõmi haga andrõ, si so ba dõdõu, ba ha wa’abõlõ wa’ogõmigõmi andrõ.
24. Tebai enoni zi darua nihá, ma fa’udu ia ba zi samõsa ba i’omasi’õ zi samõsa, ba ma zui molemba ia ba zi samõsa, ba i’ositengagõ zi samõsa. Tebai enoni Lowalangi ami ba enoni gana’a gõi.

Ya’ahowu zamondrongo taroma li Lowalangi ba same’e ba dõdõ.

- SA+SATO** : Yaduhu

8. FASÖMBATA

- SA** : Iada’e tebe’e khõda ginõtõ ba wolohe fasömbata khõ Lowalangi. Ta’osamuzaigö wame’e, he fasömbata si föfõna, ba simanõ gõi zi mendrua awö zi medõlu, sifao fangowuloi fasombata DPS. Ba si föfõna ua da tafondrondrongo Li Lowalangi me imane:
- ❖ Same’e sumange fangandrö saohagölõ, da’õ zamolakhõmi Ya’odo, ba zi lõ sinegu ba mbuabuania U’oroma’õ wangorifi andrõ khõ Lowalangi.

- SA** : Tafa’ema wasömbata khõ Lowalangi, manunö ita moroi ba Mbuku Zinunö **Numero 299**

299. KHÖU YESU UBE’ E DÖDÖ 1

do = e, 4/4

MM = 88 - 96

- Khö-U Yesu ube ’ e dõdõ ululu wa’ aurigu
Boto ba era ’ eragu he lala dörõwagu.
Ha khö-U Yesu wa’ aurigu sandrohu fekoligu.
Ha khö-U Yesu wa’ aurigu sandrohu fekoligu.
- Uforege wohalõwõ ba wolo’ õ li-Nia.
Ufaõga hõrõ dõdõgu ba wanuno Ya’ ia.
Reff: Ha khö-U Yesu wa’ aurigu....
- Me no sa u’ o’ õ Yesu urõi fefu horõgu.
Ya’ ia dõtõnafõgu sangorifi nosogu.
Reff: Ha khö-U Yesu wa’ aurigu....
- Sahõlihõli dõdõgu, nifalua Zo’ aya.
Ikaonido si fahuwu me rorogõfõ-Nia.
Reff: Ha khö-U Yesu wa’ aurigu....

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe □

1. Ya ' e zumange fasömbata, ma ' ohe sumange Yehowa.

Iramatua

Reff :Ma'andrö khö-U fahowu'ö zumange ni 'ohema khö-Mö

2. Ya'e zumange fasömbata mabe'e soroi ba dödöma.

Reff : Ma'andrö khö-U

3. Ya'e zumange fasömbata buala si'otarai Nama.

Reff : Ma'andrö khö-U

4. Ya'e zumange fasömbata, boto, noso, ba fa'aurima

Reff : Ma'andrö khö-U

5. Ya'e zumange fasömbata, lö irugi zomasi dödö-U.

Reff : Ma'andrö khö-U

6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group

- Koor Jemaat
- Kegiata Komisi Bapak (Koor/Vokal Grup)
- Kegiata sektor 3 (Koor/Vokal Grup)
-

9. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUA SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- Fombaso taroma Li Lowalangi *Yakobo / Yakobus 4:1-10 (Tuho Migu :Mi'ondrasi Lowalangi / Mendekat Kepada Allah)*
- Fanuriaigö
- Nitanö ba dödö. *Yakobo / Yakobus 4:8a (Mi'ondrasi Lowalangi, ba I'ondrasi ami. / Mendekatlak kepada Allah, dan Ia akan mendekat kepadamu.)*
- Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

1. No mafondrondrongo li-U, Lowalangi So ' aya.
Tanö ba dödöma ia, fa böi olifuga.
Fahowu 'ö ia khöma, ena ' ö ohahau dödöma fefu.
Heta ba dödö zi lö sökhi, ma'o ' ö niwa 'ö-U.

11. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. **SA** : Da tafondrondrongo gangombakhata:.....

14. MANUNÖ

- SA** : Manunö ita moroi ba Mbuku Zinunö **numero: 251 ayati 1-2**

251. HAGA BA LALAMA ¹

do = es 4/4

MM = 96 - 104

1. Haga ba lalama wa ' omasi-Mö.
Fondrara dödöma ero ma ' ökhö.
Möi fangabölöma li Geheha-Mö.
Me ero ma ' ökhö Ifarou dödö.
2. Abula dödöma fefu wamakao.
Tola sa mataögö me Ya' ugö fao.
Faduhu dödöma wa ötologa.
Lö faröi' ö khöma Yesu So' aya.

15. FANGANDRÖ SALAHI + FAMATENGE + HOWUHOWU

- SH** : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

- SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi no sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu

- SH** : FAMATENGE + HOWUHOWU :

6

Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :

- ❖ Ya mufahowu'ö ami/ita Lowalangi, Ya murorogö ami/ita
- ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
- ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero 251 ayati 3

251. HAGA BA LALAMA 1

do = es 4/4

MM = 96 - 104

3. Ahono dödöma wamatörö-Mö.

Fangaro wamati daroma li-Mö.

Öfasao ndra' aga ba zomasi' Ö.

Ba wogamö naha nifabu' u-Mö.

SH : YA'AHOWU

SATO : YA'AHOWU